

湘綺樓全集

湘綺樓詩弟十三卷 己丑十一月至乙亥

湘潭王闓運字壬父

洞庭歸舟酬葉損軒大莊吳中贈別詩因及陳芸敏
卅年不見林屋山東南竹箭青琅玕江山才俊相映發
使我萬里開心顏石林才子文章伯暫學陶潛出彭澤
故人假節選賓僚拄笏清秋看山色鄭公子陳翰林外
臺三妙成知音山塘黃花五湖鱗一醉可抵千黃金怪
君來遲惜秋暮放我扁舟踏霜去鄭君寫作紅樹圖青
山一髮南徐路圖背題詩別思深夢中吟想見君心折
腰便作塵中吏揮手還思海上琴祇今海內風流歇世

言集卷之三
業傳家只閩越林陳鄭沈多故人春蘭秋菊長無絕君
家傳經比賀劉豈但詩句陵滄洲山中舊宅松竹好眼
底浮雲風月秋新篇舊製落吾手應勝與君三日畱長
江浩蕩白鷗冷南州冬樹青青影歸舟乘月過君山猶
似吳船酒初醒

膠舟高山望換小船至磊石人云湘君取船守洲其船
須春水乃行

荆巫驗風反河汶感波迎嘗聞巽坎難每恣江海行歸
舟順長風大壑翔杳冥快意偶一失泥沙困修鯨篙櫓
遂無施鰕鱖欲見輕目送馳千帆心飛驚四溟時哉不

能駕守此竟何成不如無舟楫順逆可忘情

前畊種荷南池插菰作

庚寅

昔余悅水石所至臨池軒陶夏靜且長起坐涼風便明
漪朗余目荷芰助芳鮮以茲多所營館宇非一山信美
豈不勞竭來歸故樊茅茨始欲翦炎氣中林煩賴有東
畎流淺潺復彎環芰葑久不理叢綠薺可刪東溪移芙
蕖西澗氣菰竿新雨洗清泚芳意冒春漣有情盡余私
風物滿目前山川旣吾有方惜曩寄愜

吳無錫具技樂酒船送惠山還集縣齋作

名山豈泉名妖女豔雲花樓臺蔓艸荒蘆石吐清嘉登

詩集卷十三

來余足音賢長喜不遐晷舫揚棹謳明鐙出吳娃良政
遠聲色娛賓燕有加高齋屏技樂清尊話煙霞此邦患
士澆未暇懲民邪從來戒征利奢儉可隆洼凋敝今不
蘇炫靚豈重夸所願聞弭歌挂笏飲江茶

丹徒江樓望風作

南風霏濛雨寒江動春氣舍舟登江樓清暉謫遠至漾
漾萬里流長空寫吾意瓜步橫蒼湄煙檣矗如薺焦山
靜娟娟乘潮閱人世古來樓船戰搖蕩山川勢事過存
想勞年徂客情異徒懷颺舉心悵望浮雲翳

南風上水乘戰船至衡陽作

重霄朗晴光朱夏氣昌明烈烈凱風長嘉禾應時榮晨
興臨圻岸首路遡南行清湘正安瀾黃流已復平我行
非祇役沿涉覽回縈青林鬱炎陰涼耳唱蟬聲萬物各
有性趨時未勞生念昔水軍居盛暑促治兵貽我今日
逸山川尙從橫長日不可虛滄波更相迎願已復忘老
沈吟洲渚情

石鼓舟雨卻寄儔丞

初伏驚秋早歸舟臥晚風所嗟人意倦不共水流東江
海無窮事曾胡百戰功與君間話盡今夜聽鳴蟲
荷池賞秋有懷成都南郊游宴追弔丁尙書

高志長無染清光自賞秋芙蓉依綠水風日似南樓異
地花徒發殘生梗共浮柴門獨歸處樵唱晚悠悠

仲冬還山莊

小雪猶衣夾淡山復挂單月如春夜煖鎧避曉光殘人
靜空聲涌天長遠膠難無眠復無憶蕭灑得心安

正月三日南郊山行時妻喪初卒哭

辛卯

南中饒寒雨新歲喜朝陽百季不恆覲衛人心悅康蟄
姬旣昭蘇吾甯獨菸傷素車出東城徒步踐南岡習習
冷風和鱗鱗慶雲翔芳甸氣蔥蘢煙樹藹相望西山晴
翠高飛黛逼川光風物美常新來襟快所當騁騁七門

中藉藉九京傷我情因時異歡怨安可長逍遙及良辰
熙春觀茂昌

白山莊還東洲作

三月風雹頗損稻苗潭禾頻有劫盜

眾緣宜晴雨新波活暝曉煙龍澗口仙樹石潭西春
雪愁秧少風災喜屋低碧漣頻照影應不訝衰鷺

嶽市雙溪外東湖白杲連黃注春後水紫葢禹時煙牛
髀兒童芙羊腸竹樹穿空林人語響嶄絕兩厓顛

萬樹纔通路千盤不出山翠苔風拂拂黑坳雨潄潄鐘
度國清遠原開夕照閒菽茶新得地剗石破苔班
岸火尋洲渡灘泥浸履綦暗行跬步遠迷路客心疲近

郭無豺虎衝煙起鷺鵲明鐙宵相候回照舊綈帷
鷄鳴缺月光短夜爲人長野馳爭翻瓦初螢怯過牆風
來寒夏氣露往墜春芳萬里樓前水憑軒悵渺茫

正月十三日東洲作

壬辰

霖雨新水渙汀洲歲華鮮桑柳忽蔥蘢初黃曖煙漣久
暄方望雪含彩豫催季霜霰儻再寒芳茗何遽妍人情
貴初榮與物共欣然微風動地氣遠興赴流川間居每
翫時良序豈爭先春至有早暮佳期安可諼
辛眉見過友還舟宿登樓望送有作

東洲散煙雨春寒滿川陸登樓無所思佳客來不速沈

陰誰與開賴子豁紆鬱新柳綠復妍輕波暗相蹴既歡
玄理暢其樂清言寂還舟更孤酌掩扉遙望燭咫尺復
分襟千里如在目涉江多采芳榮阿獨寤宿湘漢春艸
同馳思向晴旭

沈處士贈魚有詩率作奉酬沈前佐易遊二藩

簿書窘俗吏章句困儒巾良材不可枉高志自然申夙
昔聞之子逍遙觀國賓邂逅君平里綢繆清沫濱易游
當代豪微睨辨玉璫咨余實疏率嘉子賞我真歸與各
懷土里巷分彌親復此湘東游開襟覩清塵鄙湖異錦
水冬腴同翠鱗舉网輒相憶臨觴忽披雲來詩何溫其

言集卷十三
霜燭灰回春淵淵金石韻意蒼山水新傷今政俗殊思
古才儔珍誰云高難和信彼德有鄰

三日送寄公上南嶽

茗語良辰永洲居過客稀寒雲五峰秀花雨一僧歸煮
石敲新火舉蘿補壞衣上方鐘磬寂應憶掩東扉

三月晦日登樓望春

邕邕鳩鵲鳴萋萋曙光顯積雨苔徑蕪暄風藥闌轉晨
思曠徘徊川樓俯溟沔黃流浩春聲遙空漾融演漁孕
喜乘潮槎浮忽陵巘陰霞千里合芳艸長江遠卽目欣
賞畱因時物情展初服庶無悶詠歸良異撰

晴松

舉目愔秋色晴光松翠鮮涼風更梳掠高興對超然葉
底明堪數雲邊淡已煙不求遺世賞榮豔自季季

檢陳芸敏御史書遙傷有作

婚宦不妨貧儒門見子真好文求勝友毀性痛慈親昔
避京衢疫今傷瘴海春無人奏遺橐淚墨獨如新

功輿游還來覲東洲喜雪作

祥霽實南瑞積凌兆前宵竹樹驟晨響登樓散蕭寥蒙
蒙川霧昏皓皓沙渚膠行旅喜時應陵寒無怨勞矧余
游子歸童稚相歡招橙梨分佳果梅茗映瓊苞收帆數

來舟籠火度亭橋既欣無慮營翻樂暫游遨有限多所
適憑軒心賞高伊昔倦塗役稜稜川陸交且念相濡响
無爲寒苦謠

雪中鄭叔獻陳寅伯自方廣還過訪有作

寒川靜無聲浮雪被岡原漠漠紛未已滃然庭宇間竹
柏愈清貞無人守芳妍深院重其門忽聞輿從喧清談
既霏玉新詩復明玕坐移蓮峰秀置我寒階前飛英碎
冰華餘響瀑松泉舟衣日亦冥空堂坐寒煙

生日湘東公宴夜還行雪阻風待纜鷄鳴始至

其日復
眞待行

凝雪初晴冰不圻湘干車馬踏瑤瑤冰弣玉笛寒更清

羣公高宴敷重席良辰見招余降辰飲賓恭命從介僎
垂髫黃口願觀樂華鐙鈿鬪香氤氲玳筵管長未終曲
二更統鼓回明燭席間歌韻猶繞梁船頭槳聲如軋玉
中流風急湘波高頽雲四合寒雁號漁鐙盡黑城郭暗
孤舟篙折烏篷搖二雛斂翼不唧唧忽如荒江失檣楫
蘆中灰雪呼不聞冰天萬里炊煙絕舟輕火滅風更顛
呼僅一笑且藏船窮途歲暮有羈旅老幼關河常屢季
此時端坐百慮靜萬事從心不由境坐中階下一翻覆
樂極悲來在俄頃列炬來迎鳬鴈驚層樓列榭眼中明
歸來只譖宴游樂冰雪蕭條非世情

暮雲篇追傷郭兵左嵩燾

暮雲忽失雙飛鶴古戍荒林愁日落湘川楓樹晚猶青
千里煙橫洞庭白獨寐長宵霜入幃雞鳴庭樹曙光微
枕上分明見君公尊前始惜故人稀憶昔征車梁鄭陌
酒壚對飲狂歌窄天子臨軒問左生中丞置驛迎歸客
中原急難須奇才自覺欽寄懷抱開鼙鼓連天箭滿眼
與君醉上羊公臺卽今空洲臥寒月兩賢電火餘光絕
九州耕織江海清野梅官荻花如雪自古英雄全盛時
也知功德百年衰意氣甯甘鄧禹笑琴歌不爲雍門悲
身逐驃姚肯馳驚看人勝負還相誤行向西州痛哭回

坐吟南郭灰心句雲散風流不復論游談猶羨李膺門
龐公不愛入州府五噫寥寥非隱人

始春閒居人事殆絕雲陰晝長獨坐無心題七韻

癸巳

羣動有息時獨靜自然飛含生皆待春觀化識其微物
外返無始寥寥送晨暉端坐誰與賓餘寒入人衣川流
何早波稊柳雨初霏人情樂歲首間劇各有依因暇得
永日非勤非息機

王君豫訓導江華見過劇談灰送還船失所泊處仍宿

東洲明日臨樓送之題扇爲別

癸巳

畱客無清酒回船失遠燈煙中語未歇物外想俱澄重

露融花煖輕瀾漱石增明朝樓下別鶯羽惜良朋
見說洞谿曲丹厓到每難羨君挾遠秀吏隱得儒官敷
衽重吹管升堂定采蘭耆賢續零桂更勝好山看

初夏寄浙藩劉景韓

凱風薰時苗旭日總翠陰長川浩遠波我思載浮沈自
爾五年別會闊空嗣音霞月矚閩嶠雲濤懷浙潯良期
在何所湘漢廣且淡新竹干霄長喬松負壑森嚶嚶出
谷鳥啾啾鳴晦禽臨流遲來軒懷寶詠南金

笠上人浩園齋集述昔游作

粼粼舟壑移微微市朝變神超固無吝迹在猶堪戀北

園積荒墟貧居白童北園城尙不喧鳴騶未嘗眄綈紫
忽隆崇豪賢會嘉宴曾張互招邀曹余各游衍清濁競
乘時道俗俄森電釋子久澄觀吾衰亦游倦重來霜柳
下未覺靈山散方甄舊館客更接英季彥高臺且未傾
行行共蕭衍

甲午二月四日再集浩園寄素道三道人同會齋罷逢
張居士要入東寮看畫歸作記日

沈陰久忘日已復當春分初陽暘天和招攜賞良辰午
風散柔寒池波渙漪淪人外雖蕭條嘉與萬物新三子
各神秀出入超四門追語碧湖襖九載一屈伸吾甯舍

言集卷之三
哀樂譬彼冬還春空園竟誰主居士來相賓何以記此
游陶遠有芳塵

題陳伯弢扇畫湘綺樓因寄文叔問

我昨東尋善卷洞獨游獨歸無好夢嘉客新從沅上來
烈日南風火雲重虛堂延坐神清涼茶煙不動槐影長
已聞近到蓬萊島忽憶悲歌燕市傍江山才雋眼前見
萬里分明如對面暮年老驥生壯心使我身輕更彊飯
宋張陳易於我親就中鄭子才清新舉杯南望呼我起
詩中畫畫樓中人中興偃武昭文物四方英妙影纓紱
鄭盦尙書主壇坫徐沈同朝但顰蹙伯澄雖老非要津

未免荆山遭別足馮費文張取高第老儒挾冊填空谷
君爲楚士多秋聲廿季一鳴人不驚冷官猶令俗眼怪
觸熱強作平陽行嗟余囊數不自顧空向樓頭看來太
鄭生捷徑有美官何忍蘇臺守霜露虎北丹桂又欲花
桂華東望北斗斜南山白石何爛爛與君共泛黃河槎
與道士步月湘岸獨還東洲卻望桂館有作

夜水平如席秋煙碧似羅御風停羽客搖月碎金波鐵
笛聲相送蘭洲露稍多高樓對飛閣真是隔銀河

徐幼穆招游麓山寺置酒虎岑堂夕送徐與鄭湛侯渡
湘仍還赫戲臺循屈祠山徑登舟夜泊山下舟中作

恆馳域外觀久負門前山不有遠客招豈憶靈境間聯
屐訪松厓春煙潤落班鳴泉導我步登降弄潺湲羅垣
隱廣殿楚色浩雲闌釋君簿領心坐語湘州寬旁尋嶽
雲石下插水麓彎平臺納川光城郭靜孱顏夕陰館宇
多但芙蓉欲還踐沙送歸棹望子杳靄間還登橘頌亭
騁此幽懷慳揮手已塵外維舟從白鵬

白露節日晨起納涼

十日秋炎苦洪鑪坐夕蒸祇增蠅蚋勢每牋簟牀冰涼
動川光碧陰連野氣澄雙鳩近相喚雨意藹晨興
秋燕憶彌之詩追和

新燕每隨舟身輕喜及秋碧波澄倒影朱幔颭涼鉤春
恨從人說泥痕認母畱翔嬾方得意詩客誤言愁

祁陽周竹香見訪買飯自食而去云將遊衡山走筆追
贈祁人不輕食於人余凡四畱客而四辭矣

十日秋炎炙毛髮南窗跂足吟冰雪竹香詩客遠到門
始覺清風入庭闌佳句已聞弟子誦文科不共時人熱
束脩加麪枉稱贊一飯畱錢更高節清秋乘興不冒駐
短衣徒步幡然別豪情跌宕四十載衡嶽崔巍七二凸
此時湘上喧笳鼓傳聞海外鳴金鐵伏尸蠻觸竟何意
箱口蘇張那能說胸中奇氣老倔強山角斜陽自明滅

詩集卷十三

吾衰久矣樹婆娑君去何之葉飄瞥
邠人雖無口腹累詩家未要形影子
試望東洲明月圓苦茗同甘儻來啜
恪齋尙書自請渡遼微服至威海
日本謀劫之未得傳檄徵兵因贈十六韻

不斷成山道幾遺小敵禽帥臣真可斬
神略一何淡魚服俄龍變鴉鳴振鳳音
莫矜單騎入須奉國威臨往昔彭都尉
曾穿盜柵林自緣倡勇敢非是故嶇嶽
津衛精兵庫洋關選士金帛容憊貧弱
徒倚募零邠易將明軍法討謨運妙心
堂堂旗鼓正秩秩剗環陰秉鉞昭龔武
推誠納獻瑛但驅船過海焉用竈皆黔
愧我從漚泛維

君重尹任風濤殊陸戰劉魏仰南針智信嚴仁勇圍攻
救伐侵牙璋兼賜履無待拂霜鐔

寄問北洋幕府于兵部

問訊于兵部如今去住難不從東海灰未覺北溟寬鹿
洞曾前約朱陵有舊壇旨來相煦煦遜與易梁看
立秋後六日大風南樓看雨

狂蒙久不和噫氣吐曾霄南雲卷橫雨噴沫挾長蕨絃
絃駭空聲但聽風雷搖忽如海水飛坐覺孤樓高稍喜
毛髮潤仍傷禾黍焦鳴檐不成溜排窗盡奔濤衝騰在
一時溪居豈能囂湘川渴已枯驚沙偶然飄安得筦化

言集卷一三
機哲謀在所調

七夕湘東聞箏歌贈吳沈生

小年好聲尋笛譜金庭別館聽琴鼓當時寓客盡豪家
諸舅相逢習吳語西山蔡沈多姻連美衣鮮食吟詩篇
澧湘餘盛百物好關征不權船車駢官吏昏庸蘊災蠶
荆江水患重兵劫農工廢業鹽茶興蘇湖商困招鄞粵
我初邂逅飲鄣湖春沈家酒面千缸陳二老脩然曳朱履
劉生拍板隨歌脣三十季間一彈指東風酒酸麴生耳
長蛟驅我出山去譁譁怪鳥東門燬故人門巷空蓬蒿
黃墟無復相招邀西華葛帔有家法孤孫傲骨棱棱高

哀情不用哀箏訴惟吟七夕茶瓜句秋天寂寂星漢明
月照前時醉眠處湘邊老樹青婆娑有酒不飲將如何
酒亦不能醉詩亦不成歌醉歌偃蹇醒自得眾中見我
忽悽惻他人富貴等浮雲但道數奇天不惜我今萬事
不關心感時爲爾一沈吟人生由命亦由已莫向風塵
求賞音

出山逢雪舟中作

間雲雖無心已出不遑息徒御方春糧淹留忽三夕南
中孟冬雪先集何濺淅豈能病蔬果將爲掃塵跡因風
每斜飛回坳偶旋積晒余無足行坐次清漣碧歲暮期

詩集卷十三

十三

自賒還山路仍識松桂橫眼前回瞻眇雲石

和易藩臺感事詩因成長歌示謀國諸公

昔我蜀游參百吏君言去官不得意問君所志笑不言
但道中興養元氣元氣文康之老親我行四海勞尻輪
相看投老空削迹饑季邂逅朝宗門南中霜月不易得
夾踏冰花坐寒石火輪旱氣俱清冷但惜素娥憐髮白
愛閒愛月兼愛僧敲門訪月僧肩膺因尋故宅識楊左
便論往事追胡曾忽發狂言歌五噫雲中月驚卻倒復
始知元氣今不還爲避釐金與洋債每聞家國戒泰驕
貧寡不患灾害消國貧民貧等患耳但欲民富仍奢饒

湘軍初起苦無食落地抽釐仿江北至今雷郭尙爭功
勝何川淮算鹽筴自從五口稅洋賣銀餅千萬來海航
輸倭百兆一稀米李公笑倒張公忙用之泥沙不自惜
持之與人何吝色君今計較官與民土沃民淫又何益
吾儕衣食皆軍需游貲亦是敗棄餘且如曾侯李道士
崇祠竝建何賢愚世人昏昏晝不醒君今夜吟欲誰聽
假饒白虎九衢尊何似雙龍一杯茗卻憶曾侯夜飯時
一羹豆乳人驚咨惠勤不救靖港敗唯向空灘搖帥旗
胡公輦金送冰炭文武紛紛盡才彥當時袒腹衝礮丸
今日聞風遙股戰偶然成敗何足論魯論半葉不曾翻

詩集卷十三

浮雲富貴從吾好莫問怡園與浩園

丙申正月還山五日仍至城宅作三首

玄雲隱重闌東風振新瀾臥檣若浮空挂帆似昇煙往
來從所止吾亦告春還遵渚別飛流入谷蹙芳蘭新茗
各懷榮舊室復含暄雖無陶氏琴豈慕長卿軒衝茲匿
西日浮埃蔽南山且取容鄴居悵望復何言

清晨靜無聲開戶失庭樹堆雪皓已緜雰雰亂空霧蟄
雷灰驚寒濂陽相錯互尺澤期有羸聊以慰農女貞松
明遠青叢竹黯餘素物態何鮮妍春情復融豫祥灾非
吾禎饑飽焉足慮

阻風昭山下泥行大汙前捨舟既連蹇舛轎忽翩然豈
其屑屑來祇祀致所虔得時偶姓駕瞻望厓川原徑路
旣周悉岡領空紕連嗟彼古今士勞生共扳緣取適俄
頃意傾舟競一先喋血醴陵門銘功麓山顛余來諒有
蹤敢謂脫籠樊

春雨臨湘看諸女偕新婦舟還長沙作

皋蘭雨中芳春氣涌流波沈陰忽昭曠遠望極遙陀嘉
遊悅還心歸舫乘風和朝煙翼城樓鳴榔雙參差的的
桃芙風依依柳綠坡賞眺未及延高墉見嗟峨共知新
歡長豈謂百里遐余情惜景光取適固已多榮樂在當

言集卷之三
季懷芳采瓊華

雨過從姜畚還山莊

春霖暗山徑登嶂豁陽開墟煙白成岸谿樹綠如栽斜
帆背流舩飛泉向石來歸心赴遠火輕輿先晚雷所惜
園花落空言載酒回

庭中紫躑躅

無人識瓊樹應知勝牡丹從來向風煖未肯放春殘孟
女行遙妬仙山恨暗看其誰爭艷色相伴采明玕

瓶中牡丹

艷影初障日醲香不借風嬌宜金屋貯春惜錦屏空無

根似仙夢有鏡照嫣紅看盡芳心展知爲悅者容

銷夏第三集聞文衡州送部兼柬隆兵備

朱陵東館榴花繅長安殿吏來到門門前五馬行躑躅
賓寮別思盈清尊人生聚散若團雪佳客難逢酒難熱
副使驪駒方在門別駕車茵幾回掣次公不飲但欲歸
臨蒸少尉笏倒持知公三徑有松欬老我西山甘蕨薇
清貧卻羨蕭夫子十年考滿車生耳有時跂足北窗眠
無心寄語東流水零陵遊客幾時還七日千年事等閒
欲知他日更攜手應共浮雲暫出山

消夏第五集郡寮多以迎副使先去招胡吉士夏郎中

論詩

會少事恆多間居觀世情復喜佳客來其歎四難并臥
疾對清醕開軒遲良朋長川泛洋洋我思浩已盈巴船
待潮去澧旆拂雲行旣嗟揮手別還見折腰迎晚嚶出
好語新燕有和聲雅唱亮不孤何必盡櫓觥逍遙芙蓉
池惜彼瓊樹榮

立冬日湘岸步月看菰乘船還精舍作

高興良有寄時物應游賞及此秋氣澄鑒彼清川朗瀼
瀼露初下皎皎月孤上黃花正繚妍南園步相訪密葉
窗影叢高枝燭光晃固知霜下傑未作華軒想喧和亦

可佳林野豈長往達人歎後凋君子泰道長歸途曠空
明乘流轉來舫前洲藹夜色風蕉振寒響取適靜居志
無然嬰物網

和陳瓊兵備感遇

戟門澄霜晴清景釋煩累時讀齋中書遂有江海思高
吟驚怪鴟壯心感伏驥疇昔躬亂離豈爲主組仕浮名
旣相嬰高致久不遂雖展千里足靈障一隄潰玉事增
艱虞方州若旂綴徒爲杞人惠方滋漆室喟

湘衡義兵始零桂天下本二紀忽蹉跎民物空隱軫吏
治苦昏尤培克更凋損選賢始移鎮將以飭庶尹百年

言集卷之四
弛綱維臺省喜沓噂參副雖崇階連城各畦畛褰帷勞
眄衡閉閣將自哂何以布億億慰我心隱隱

憶咎行與胡吉士論詩因及翰林文學

丁酉

憶咎先皇重文翰封疆選帥先詞館諸儒白首戀青紵
一旦拚飛入霄漢乾嘉經學久益衰方姚義泐強相推
秦翁識字啟帝學殿廷破體有別裁幼學程文長卷摺
平生不用他途襍我年十五讀離騷塾師掣卷飄秋葉
武岡二鄧來誦詩正值枚樑名盛時湘中跌宕六名士
流傳篇什俗點蚩城南論交得龍李標置虛聲稱五子
江州響應有三君羅山夜中驚倒屣李何復古已優孟

湘社論詩更苛政不從李杜爭光茫甘與齊梁拈競病
就中湖口最苦吟截斷字句成霍欽范生从公許侯吃
白香亭外無知音中興進士一雙半喜入鄭盦龍樹宴
曾侯好文不好詩早被梅生安字眼此時宋學破樊籬
孫房憇國淚霑髭學宮建議祀荀許幾何求也稱先師
數術無端成化學大治鴻鈞金踊躍老來笑謝諸少季
時復高吟弔吳鄭東洲下帷看杏花偶逢翰苑話詩家
因君復寢玉堂事翩然逸氣陵丹霞彭澤廬山久寥寂
歐王黃楊不足憶東湖高詠天地春散原松青桂花白
碣石滹沱舊跡空幾塵滿眼度遼東白面談兵仗翁李

珠盤割地走激鴻金殿論思朝復暮如今其道詩書誤
寧知門外五噫人更有賈生三表疏五十年來事事新
吟成詩句定驚人我歌君飲莫辭醉明日征帆挂白雲
戊戌苾種訪石門舊廬作

泛泛輕舟邁陶陶萬物昌忘情隨地游佚老與天翔行
春已後時閏夏烈新陽葵葉炫早花稻葉競初苾舍船
松亭橋酌水金烏坊川原旣周悉屣步恣徜徉其舊廬
溪山淡盤紆百里程薄暮雷電雨風泉助飄沍荒途失
松巒危石踐苔青雨汗蒸蓬鬢螢電爍夜冥淋淋雨青
鞵行行三短亭好遊誠逸性窘步亦勞形其勞逸亦何

常欣戚信多端
爽投植林宿感
念咎馬煩音迹
步步存時節
冉冉殫誰言絲
竹響但見樵牧
還歡親終有窮
柳灰桐桂殘卽
此自嗟悼溪流
涕潺湲其潺湲別舊蹊馳
驚遵平陸午雲
陰亭皋南風振
綃縠豈下叔直
昇且尋興公服
漏盡行不休林
昏道固熟陰霞
復興晦舟車俄
往復終騁顏躅
步無譏桑下宿

其四

徐幼穆罷沅陵攝清泉令招同餞舊令於東洲南館乘
月夜歸作

衡陽木葉落湘浦晴漪絢南館風日佳臨流展嘉餞故
人新尹喜相招清酒黃花逸興遙暫同陶令開三徑得

與元生共一瓢
澧沅近迤江
波沸未若朱陵通
紫蓋隱士長吟桂樹間
秦人祇在桃源外
漁火鼉歸舫涼鳴
鐃上路月如霜
高軒客散酒未盡
不醉方知清夜長
餞客夕散廖李自京還過夜語

二客飲竟日
主人慚獨醒
空庭散鳥雀
間夜看霜星
行子京塵滿
歸裝海氣腥
溪山其明月
木落倍清冷

栗拔孝廉游祝融還示新詩因過清泉寓齋兼贈徐孝

穆

名山與佳客
相見每欣然
秋水扁舟外
新詩眾口傳
我來因永日
棋罷欲忘年
歸路逢微雨
詩情澹似煙

江令彈琴處泉清酒亦清
弭歌百季後主客四難并
莫歎京塵汙來看嶽樹晴
丹楓碧波外應聽夜吟聲

我有一月月留之紫蓋峰
今來五十載長照萬株松
之子觀雲海清吟應曉鐘
元君不可見玉檢碧苔封

乙亥山中度歲襍詩八首

歲晏恆苦寒欣此風日煊
年穀幸有餘嘉蔬亦盈園
稚喜出塾冬餘多所歡從
我入縣庭正見迎春幡駢
駢導百吏簇簇向農壇鞭
牛送寒往露幃載春繇通
衢物色昌迤秀帶川原誰
謂適人適詠歸忘我言

三元慶嘉節五始端四海
歲運有推移人事諒不改
幸

逢中天日焉懼朔風晦愆陽方喜雨百物欣相待嬉游
新故間豈復怨元宰投暮還閉門一觴聊自解

陰雲涉一旬聞雨聲夏佳雖無閔雨惠同此田父懷岡
隴謫濛濛山阪潤枯芟緯耒者誰子春風動蓑臺我不
勤四體自知非介儕共承陽和澤豈獨歎陰霾

少無田園樂還山復垂老在苒今十季庭除得洒埽親
故喜見存招要競期早簍昇雨中行曾不畏塗潦酒食
既余需焉得免濡首行行尋舊游脉脉望長道梅榮柳
亦稊方知歲華好

隆周實基農孔氏譏用稼信義苟不存兵食焉能霸既

居小人位躬耕欲誰謝但恨督課疏不識犁與耙良友
閔余拙爰來問田舍遙遙沮溺心斯豈獲僦暇儻逢辟
人士願以回君駕

咎余逢亂離游羿彀中央所如輒見沮非以智自防聞
有先識士脫身長平阬力耕四十季抱剡芙蓉南陽已復
罷且聾志氣自康強歲莫從之游示我飲酒章時諧灌
園意非慕於陵名農士盡游情聊欲身率倡陶公何爲
者乞食乃佯狂

初月九衢游繅華逐歌吹山中良夜長清光照無寐誰
能更酣歌引觴不期醉種竹北窗下移梅東軒外照影

詩集卷十三

主

何依依三春自明媚

久閒詩思多思多不可理還坐默無言夜寐晨復起誰
云我才竭正爾情娓娓南鄰有詞客縱橫粲文史欲往
從之談忘言遽然止

湘城飲席還船簡朱巡檢

上元二日春晝明連朝飛雨催春聲四豪公子五都俠
錦鄣油壁迎傾城此時良會兼文讌綺席瓊筵荷嘉薦
卜夜先畱一日歡清歌共待三更轉玉梅如雪六重花
四面香風繡幙遮流雲繞柱簫聲散曼舞移人漏箭賒
少府行春不辭醉雨湖夜半棲鴉起芳園慶歲續茶盤

列坐飛花薰曲几山蒜含香對紫蘭青蛾二七共嬋娟
鐙窗玉朗春相映銀管融脂夜不寒酒罷還船街鼓絕
送人正有清霄月鴛瓦紅樓雨未乾畫橋綠柳絲堪結
歡情不待管弭終乘興揆雲向五峰朱陵白鹿久相待
須及鄱湖冬釀紅

空冷峽還詩酬衡陽餞席諸子

時徐幼穆官滿仍還呂雪堂從遼東至

暄日朗冬晴玄冥戢朝霜鵲旦恪遺聲黃鵠念高翔湘
靈停瑤瑟海若銜珠光役車時未休一葦信可杭戒途
五湖陰飲餞衡山陽良朋不期來撫掌歡在堂喬舄旣
還飛遼雁亦南頗誰謂千里聖羣賢斐成章少別欣大

會斯行樂無央移情觀自厓弭棹獨常羊

湘綺樓詩卷第十三

弟子衡陽程達康恭校

湘綺樓詩弟十四卷

庚子至丙午五月

湘潭王閻運字壬父著

三潭夜雪晨游高莊

重帷覆寒風驟煖知已雪曙朗瑩心神塞開曠超越霑
灑積庭除豐茸悅松楸水暗三潭昏山明半峰缺遠增
垣堊麗近見林亭出敲冰渡輕舸流澌響清冽已知塵
市遠反畏人蹤絕埽徑如可期瑤芝冀能掇

從石屋過理安寺渡九谿至龍井

湖南石林秀曲徑自成蹊三洞既窈窕諸峰無端倪鳴
泉引幽步高下皆雲梯選勝開精廬收影問玄棲尋煙

轉山背循谷渡回谿茗竹扶道綠水石含冰漸透迤入
龍泓曠望指沙隄儻能同喧寂摘葉弄春萸

亂後淨慈寺

南屏啟法宇石嶂抱花臺樓觀信回互軒窗俱朗開新
松秀乳竇舊磴積蒼苔不覩興復難豈念物力恢清游
及春始踐雨弄初梅幽芳亮無歇代謝理相推幸澄觀
空境何傷年序催

人日游雲棲寺

鳳竹連三里鸞輿記十巡劫灰餘舊寺人日揆新春避
客僧非俗畱齋主作賓歸途問江樹可憶屬車塵

正月望日吳山餞席

游宦俱告勞心閒已爲逸
況茲山水情異彼倉卒客
懿友知余暇元正並簪戩
帳飲吳山頂豁我千里臆
煙橫聖湖青潮平浙江白
窗中物象遠樹外風塵隔
城墟昔毀垣民貧罕游屐
羣材屈未申旅寓歎遼闕
吾鄉昔多彥建節清海國
今來效夷言近郭乃殊域
從來浮雲意富貴慚疏食
及此途未窮還鄉埽盤石

京口待渡別送者

北風揚子渡急浪欺雙槳
斜日纜危橋低檣搖五兩
北固山前桃未花風神祠
下數歸鴉故人爲酌中泠
水道

士新煎陽羨茶酒樓促坐鐙光白饋漿未罷還爭席玉
乳鮮浮土步羹金盤香薦車螯炙樓船吹角散恩恩燕
太勞飛路不同東向吳淞聽戍鼓西畱江浦待晨鐘一
畱一太情無限三夏四夏星自轉風濤浩浩忽生雲汀
樹青青常在眼瓜步潮來月漸微春霜欲下渚禽飛猶
憐京口酒初冷正見焦山僧夾歸

二月望日夏口大雪舟中寄孝達

萬里聊一游風霜固不論敲冰武陵湖頰雪清漢濱客
行信永久春氣猶未溫江濤助長荻昨夜巨舟掀晨霧
驟飄瞥高浪急奔翻岸柳俄已皓隄沙晝已昏藏船鵝

鵲洲繫纜烏柏根魚鳥得愒息繫余亦忘言脫有來訪
戴無勞君埽門

麻山望濟南城

名城鎮沛陰積石橫南案登臨寫余心朱明敞遐觀鵲
華標二表翬楹抗連殿河濕引遙瀾原林迤平甸田韓
咎虎爭麻下觀龍戰亮無輦鼓思空有英雄歎負帶雖
阻溪縱衡忽崩轍誰爲馮軾人瞻言怒切怛

諸貴公子招飲麻亭始聞北警

久憶明湖月今來及夏涼叢雲萬葦綠出水一荷香文
宴知無暇塵心得暫忘婆娑古槐影時事感東陽

置酒開華簾移舟動水紋環山石橫黛鄰舫笛穿雲地
主今非管家聲代有聞持杯醉湖曲漁釣請間分

沂郊道中喜雨作

熱行愁暑塵山徑畏川潢振策遵平路披襟喜晨涼悠
悠出沂境藹藹望郊疆冷風送微雨麻麥潤疇岡青青
眾果林但覺花實香鳴鳩識余心好語悅笙簧真隱豈
懷土適性皆吾鄉既遺出處迹居游可俱忘

亂踰三月乘輿西出外臣曾無釋位之義息心靡投曾
夏雨編修僻在桂淪銜命奔問過衡相見感而有贈
皇綱偶失統夷盜戲交兵輔相固不臧方鎖謬連衡坐

井而觀天智小惡遂成誰無父母惠憤起兩儒生精衛
赴東海萬里各孤征天顏在咫尺所貴達我誠三仁咎
計利董生用譏抨求得有何願長風送秋行君子勉于
役慰爾飢渴情

辛丑八月十五夜家集聯句

中秋月宴盛於中唐自杜子美已有十六十七夜月
詩則重十五日可知矣繼此有作詩詞尤美歐陽行
周翫月篇其最雅者唐初不以爲節也庚子秋九夷
入內余閉門絕文宴者幾四百日今秋始稍事游賞
適會良辰子婦女孫隨侍山莊者凡七人皆識字令

爲連句五言十六韻

地遠山館涼氛澄天宇陰嘉茲庭蘭秀遲彼月華臨首

四句良宵勝春元閒居散秋簪絳燭搖花影清醪洗塵心

滋圓案列珍殽高詠屏凡音賦詩豈慕咎歡侍良在今

代懿興超情易愉意愜樂非湛秦隋故無賞軒唐尙可

尋楊莊采菱江路淹飛蓬霜靄浹且歌澗阿美何傷時

序侵紉露垂風入檻瑤宮桂已林隱隱碧雲合寥寥太

雁沈復登高眺北渚秋水映南岑白蘋不可望涼風吹

我襟眞黃鵠陵霄翥蜻蛚向階吟無爲擊羅袂回帷調

梁琴少春

方廣寺至黑沙潭作

屈曲五峰間盤桓一徑通出入迷往來翠壁蘿蒙茸條
蘚萬古緣安知夏與冬峽谿惟一源灘瀑百不窮琪花
潤鮮芳仙藥秀青紅樵童不解采覆蔭三潭龍蕭淡十
里寒荒翳千季蹤寄言青雲客翔棲誰與同

天柱道中

林田萬綠侵暑日自然陰古道沿溪曲幽厓見屋溪南
臺迷石記西礪踏雷音薄暮空潭黑曾來冒雨尋

秋早

涼多訝秋早幽林不能暑月華貞桂靜風葉新篁舉散

詩集十四卷

髮便臥疴鳴琴思無緒佳人久見遺淹留怨獨處短夜
恆若歲愁來復風雨忘情當訴誰俯予信非侶但恐流
螢照空帷寤將語盛時已遷移歲晏豈云補

昭君詞

北藩已款塞朝典賚億崇豈爲和親餌將從蕃后封人
情惜遠嫁聞命但慕忡玉顏常自矜感慨起相從知名
在一朝左右眩光容悲弭爲沈吟胡馬嘶其風父子知
漢禮方期華變戎升沈亦何常班女怨空宮美色猶見
欺奇才信終窮

譚常甯自衡陽就養東安枉詩畱別因賦奉酬

西風搖五兩涼動瀟湘渚吹笛上高樓榜聲如騰語角
巾玉杖地行仙縣吏新迎上瀨船宜陽竹馬兒童長鍾
武林烏孝愛傳湘牧移才度鄰境唯有唐侯惜賢令我
來流寓伴間吟每和新詩接高詠從來老矣別情多夏
題長句作驪歌不誇治行傳家譜卻引秋心寄澗阿洮
陽山水零陵最我咎揆奇夢松桂巖石千季無俗情縣
門只與青山對青精飯甑臘酒香孫解讀書兒捧觴自
有公田供祿米何須五斗覓柴桑

八月十五夜行月至清泉學舍與廖學正同步西郭還
舟卻賦

蓉池飛蓋地芸香草玄宅嘉契偶相要喧靜俱有適涼
辰始爽游郭外罕人役池亭清竹樹秋燭明簟席高論
謝世情餘興臨水石咎余旅西寺十里芳塘碧今來紅
芳落空波杳無迹明月照人影送歸無主客掩扉旣懽
悅還舟未寥宋且各期來宵中庭桂華白

白沙權舍贈南城黃丞

獨戍生寒色蕭條似謫官客嗟鸞在枳人歎虎而冠薄
宦謀身拙虛堂望眼寬茫茫今古事吾得暫憑闌
咎訪麻源谷君家正避兵青山知好在白髮見餘生苦
戰終何益勞形只徇名得閒聊話舊投老莫躬耕

晚菊

叢蓺榮冬晚臨階瀾漫黃待霜無退色烘日有餘香豈
惜供瓶几還宜伴筆牀尋常籬下看不及過時芳

礧山縣館荅贈鄭孝程

汝南三月春寒重煙壓前谿雨如夢駐馬回鞍淡下帷
邂逅逢君茗談共當年京洛訪賢兄華裾織翠羨才名
歲月滄桑一彈指身名事業百無成藿食息時傷激烈
蜀人空葬萋弘血宮庭造亂匪自天羣盜因依作妖孽
卽今文致太平時求賢籲俊補創夷嘉君未老壯心在
欲回元氣還重熙四海富強非政本三督焦勞當自哂

君家兄弟有時名莫笑吾衰但充隱憶昔漢陰龐德公
彈琴於忽嘯春風清吟未歇風塵滿已見南陽起臥龍
桓樓歌贈別端總督

昔聞和季牧荆土指揮豪俊收八州爾來龍門二千載
再見天況登桓樓聲名未振寮佐允虎視八極空煩憇
近年時論貴三轡張公豈與袁岑侔封疆事權忌掣肘
撫廢復置朝綱重尙書推賢竝持節訐謨辰告皆遠猶
楚邦雄鎮帶江漢通商最久民夷柔劉榮繼薨內外恐
督公請對驅八騶兵權百度盡兼領乃有餘暇延賓傳
老民四年不出戶喜承恩詔勤咨諏改夏功令許言事

扶杖欲出參樞謀忽聞兵官遠迎候此來不用巖穴搜
燕烏華屋一抵掌還轅載轄十日投汝南阻雨得披霧
俛詞造郝兼觥籌老生常談不經濟每語管晏儒童羞
自從五胡亂燕代溝洫川瀆百不修吳鹽楚稻擅財賦
輻輳江夏稱上游冀雍青徐坐擁隔牛驪困頓民疲偷
昨行車道攬長轡視道若咫尺百貨讎開通中原達上國
如魚得水鷹脫韝古來民富始用教外薄四海聲教周
太平撥亂首自治南皮不用疑春秋滔滔南紀絡萬里
幕府霸略雄襟喉中興倚之作根本自南自北東西流
卽今轉移在牧令得賢爲政身自修兆民安業國維立

言身一四卷一
遠人疥鮮夫何尤捐金沈璧古有訓海舶載銀如一漚
公當養威憲文武放我長江從白鷗

張督部鄂中餞席

再喜東南定重叨餞飲歡新亭十季淚白髮兩人看浪
煖催王鮪春榮放牡丹溪杯情語永未覺夕陽殘
五十季來事間談卽史書謗人誠不暇觀我意何如坐
閱升沈慣行慚歲月虛青驪路千里春好獨歸與
織局樓送客行

劉仲立道臺餞余武昌沙樓黃稚農劉君曼王復東
宋芸子寶子申陳復心岳鳳吾顧印伯俱集相送總

督端尙書來會至夜岳復具酒與七觀察步從登舟

鐙炬甚盛明發賦謝竝柬鄒孝感

楚諺云男作女工作卽婁空

織局本銀三百萬女工男作非長算初言籠利奪西洋
不道官紗更粗縵劉子應官不愛官巧因桑孔用申韓
分職由來有工賈從公無事得蕭寒蜀材楚用多英選
宋顧儒冠持手版岳男文武隨所施王鄒幙府參樞筦
黃家公子竝陳劉繡衣仍似錦衣游其話玉堂鄰粉署
曾依相節佩吳鉤寶侯兄弟同攀桂獨訪荔枝投嶺外
春來忽憶武昌魚與余邂逅成良會黃鶴樓空餘古磯
鮎魚水曲漾晴輝高閣陵雲動春影芳洲隔岸見花飛

言集一四
休論新政官中事且與故人期二醉更聞庾亮出南樓
臨江送客生詩思舊識新知歡復歡重陳清酒列彫盤
只言江上春宵短不覺城中玉漏殘春光正欲催人去
卻思回棹相從住明宵曉月照沙隄唯見樓前綠楊樹
舟過鸚鵡洲逢孝達渡江游琴臺余至金口遇雨偶成

奉憶

鸚洲芳艸濱江路靄陰陰別我山中去遺君世外心送
春宜縱酒得意豈須琴臺上觀飛雨相望在獨吟

送廖蓀咳還山

西湖三日陪清宴笙歌酒煖飛霜散歸來乘月度寒林

始悟歡筵有離怨臨承形勝扼中游義軍初起振湘洲
文武龍驤四十載賓寮官士盡高流我先避地仍畱客
君亦俗才分一席每同游賞得新詩偶說亂離成舊迹
中興艱苦信徒勞坐看鳥跡獸蹤交不恨樞機迷政本
反空杼柚困錢刀咎歲蜀滇論什利一冠笑謝非吾事
聞君投筆把長鐮能與故人供指臂陳侯不用老生言
頓空庫藏損囊錢誰知百萬銀鉛涌地驗中丞計畫寬
眾難羣疑方一雪君自清寒人自熱浮江萬舸寶光騰
閉戶一瓊清興發功成身退古今同况復富強非遠功
不肖齋廚餐苜蓿安能幕府倚梧桐清湘波靜攜家去

言集一
何減扁舟五湖趣回思風雪五峰間卻望匡廬九江路
余欲乘櫟度醴東便湖牽水看霜楓山中臘酒知同軌
有約珠泉放釣筒

沈南昌招集郡齋卽五十四年前居停地時將祈雪瀋
東湖卽事有作

東湖欲揚塵娛園自含霜良會續華京嘉賓共清觴歲
晚憺新歡相逢竝愉康擺落世上事舊游伊可忘官梅
忽憶人久久更芬芳不見堯時雪猶畱禹至杭三宿已
無戀六游誠自強且暫爲我主近看南鶴翔

癸卯秋江西巡撫奏聘立學謁謝辭歸臺司達官竝出

一城餞送懼當盛禮謹畱詩二首季冬四日上

快雪羣公喜新晴旅客歡東門榮共餞南浦綠仍寒待
澤春先到還山路不難勸功應有效扶杖遠來觀

紫貂光入坐青雀纜行舟觀禮民知盛非賢德豈酬遠
夷終畔渙文教豈懷柔敢謂從隗始時危寵更惠

還湘作

吾車久當縣物役殊未休春泥汝南道臘榜牽川流寒
風厲嚴霜晨夾犯征裘豈謂我無衣念彼棹者謳小人
固多營君子又何求孔墨逝已久誰能爲世惠燕雀安
其巢龍蛇方遠遊栖栖一歲終乃欲歷九州且宜守兒

女酌酒彈空篴

來船遡寒焱歸舫迎南煊清川隱銅碧貞木鬱寒煙冬
游誠可娛但復逼歲闌歲闌亦何感所懼霰雪艱王路
忽以塞民貧征賦煩我有幽居室繇花樹枏萱童子誦
新詩不知來日難嘉時可歸休袁山艸已玄旣無迷途
憾行藏詎徒然

賦得息吹更治朱續夏公子起韻成篇

淚染湘妃竹新斑更點朱融脂惜香冷臨鏡暈紅酥定
有還丹藥眞同照水蘂調弭莫摧拍更待整羅襦

出宜春境聞野梅香憶鄧辛眉夾度茶山歌戲詠當壚

女

花香近酒家嬌女喚茶茶夜送鄧公子朝隨萼綠華莫
言年易換應嫌日未斜從來萍醴道不悞別離賒

九日從江西院司百花洲館集宴曹吉士

秋陽復如春時款自知芳藹藹飛蓋陰昭昭池館涼盛
筵集羣彥豐歲樂民康木落湖始波葭萋露未霜近攬
章貢流遠念江漢長方州美雄鎮千里朗秋光登高誰
能賦鳴鳳在朝陽余懷陳公政拂榻侍周行豈伊北園
隱持醪詠清觴

散原山詩

積氣始一宣岡巒遂紕紛陂陀造峻極百里散千原羣
松若點黛荒榛靄蒼煙九盤執莫窮衆徑轉可緣深厓
朗不幽瞻眺曠邈縣曾聞羣仙宅翔集多且緜分壇列
雲表塵望但一山五嶽非吾儔羅浮信阻艱卽此遠人
世休糧采琅玕

翠厓寺觀洪井風雨池

靈麓帶兩谿翠樟映風池言尋精舍西飛流粲霜阿依
松自成瀑觸石更盤渦渟渚三井淡鴻洞百丈波神魚
肥玉膏卷蛤躡丹霞顯公遺雲房希逸悅煙蘿茲來抗
塵容豈復慕升遐林壑久寥寂千年同歎歌

尋鸞陂至洗藥湖

山頂水四周池中起鸞岡凡夫慕靈境捫葛陟壇堂圓
湖旣冬涸汎泉亦空涼尙想仙駕來春流秀茸芳焚茱
走雞兔吹簫召鸞皇同取須臾適誰能獨倂倂

乙巳三月九夜樓上看月

東牆春月明幽思忽以朗秉燭厯重階延眺山樓上人
靜夜易淡林叢光未廣流影意裴回曖空情滉瀟塵中
得世外蕭然復遐想積陰猶未舒偶此覲昭爽旣下管
生牀將繼陳王賞俄焉玉繩側翳介帷雲長且撥昏悶
情無恹良宵往

喻謙史篇歌

羲皇畫一啟文字結繩變體畱日乚夷言成字易譌淆
四海同文奉倉頡周公介正通六書孳乳浸多觀譌別
列侯殊異地物名小雅中興會車紱同文同軌豈易觀
寄象譯鞮徒口舌五方文字上史官采摭形聲費調協
參通古俗籀所職衛蕃再見書名達汧陽刻石俄又淪
赫赫宗周褒姒滅殷人刪訂用古文省筆除煩爲秦法
斯篆何書發光怪嶧山碑映蒼龍闕東京馬援笑白羊
奮起遼林紹雄鄴史篇十五劣存九秦火不焚莽朝絕
吾家育述解奇字十撫二三畱簡札縉雲小子合三體

後代孤行理稽說乾嘉諸生用全力搏兔羣獅揆月窟
殿廷破體困一生帝吮丹毫親點乙至今張督恨秦師
科舉奏停倭學設余年廿三始識字六十才能辨由乞
所悲漢學共忘祖乃用沐猴同鬼由喻生好古實好文
獨抱許篇求史筆開緘爛若雲錦張頗采彞尊通獵碣
學僮笞俾久不呻見此眼明心孔發詩人例有篆擗歌
七夕吟成看秋月

九月八日與陳復心兄弟登君山

神山引余舟重湖漾天白良辰朗清秋攜朋造靈宅橫
簪帶平波沙徑散芳若池林暎崇溪一北自成壑始入

言集一四卷
如可窮轉幽夏迷適三陟尋西樓空明曠超惔雲構偶
興衰仙游豈朝夕春茗懷新芽月桂香晚石選勝期數
來無爲謝勞劇

結交詩貽陝藩樊承宣增祥

弱齡慕英彥結交共屯艱撥亂未反正羣公智已殫徒
遺凋瘵民征繕豈能寬聞有達政者高材在卑官聽訟
實知本政平民氣安朱紱旣就加百吏皆改觀關隴今
貧僻不與治亂權近欲崇節制苟務兵食完無信誰與
立奇謀空萬端薦賢非吾職但念得見難歲暮情有餘
感慨同征鞍

霸上別樊山

征鴻久南飛仲冬猶未霜
游心喜煊時脂轄舍未遑良
友惜輕別三宵進離觴
再送復遠餞帳飲清灞旁
居人有行色徒御盡彷徨
余生固無羈萬里驚車杭
見此不忍去新知樂無央
生離眾所悲寒樹遠蒼蒼
揮手亮超然濡响亦難忘
莫色忽悽宋眷言愁路長

仲冬九日華祠夜作

踐華期仲九千里果枕要無霜
悅春和有月麗冬宵清
夜循修途超閩騁聯鑣
星霧合靈局宋靜啟松寮
仙掌俯層樓穹天未能高
馮關咎虎視作鎮頌柴喬
祠宮邇

完修周道眷西郊金德儻重耀誰能但游敖

華山詩

雖梁表天闕維石發琦英嵯峨涌厚地巉削起重城三
陟五千仞始見南厓平恣駕不能躋跬步在精城蒼龍
伏其胸自作天梯橫糾縵五色光虛聞萬松聲仙嶽收
視聽天池漾金晶卓尔既有立昭茲瞻仰情

華山西峰

西峰最明麗雲日寒巉嶮入谷光已炫回厓秀相招踐
雪登其顛纖雲拂層霄花英爲石膚玉映紫翠苗其外
千竹萌解籜潤春苞似聞洞壑幽未敢揆山腰卽此愉

心目又無登陟勞古來多賦才何以狀亭岩至今雲外人但見三峰高

游瀉山宿密印寺

善游不期勞山水養余心既聞靈泉勝志在雲巖深曲折隨清川掩映度巒林三重秀層阻丹翠交嵐陰望厓陵天表轉步曠超臨平田若仙源雞犬苔和音樵采有時逢爲我祓塵襟暫來參玄理欲往窮幽尋縣途信荒寥端坐翫峴嶽

自涪溪至滴水巖以巖爲勝

零陵水石多奇秀別起嵒臺在湘右磨厓深刻頌唐文

從此山川生錦繡後來論古有微言不廢元顏妙迹存
謫宦幾人傷僻遠題名俗士喜凋剝貞元司馬嘲多石
邢識漫郎山水癖猶嫌卜宅近城隅未若丹崖棄官客
雲山峰連滴水崖天然峭拔洗蒼苔峒嶠神碑九疑嶺
唯待重華封禪來

舜陵詩

堯德撫南交虞典重時巡功成陟蒼梧神教被荆蕃安
宅枕明堂百里敞平原迢遞造修阪周衛厯三垣雲旂
遠時颺翠嶠簇爲樊宮牆信難窺迷途幸知還恭修下
土藝萬歲覩卿雲因山實峻極脈水竝澄源不有至德

凝豈見文治尊高讓一脫屣空山瞻太昊離明久成化
輯瑞待昌辰

衡山篇藍甯切望三分石定爲南嶽

昔尋都龐嶠束馬望疑峰起伏連五嶺嵯峨秀九峻虞
巡識南嶽荒曠久雲封確立同配天爭雄疑祝融以茲
四紀懷將闕百靈宮夏五應良期虞祠拂薰風沿泠澗
窈窕踰嶠雲蔥蘢百里期直上盤迂路無從風雲忽蕩
滴夷夏曠溟濛離明渙文光紫氣簇芙蓉日出萬物覩
中天慶崇隆將弘升中禮豈獨覲朝宗

淡巖

勝地臨官道塵中一洗心向來遷謫路空慕隱淪深過
客勞川陸題名換古今張楊不重到倚檻獨沈吟
入觀陽峽

十里觀陽峽飛流滾雪來簇排青菡萏敲碎碧玫瑰纜
力催篙力灘雷似瀑雷輕舟獨沿泝不覺路遄回
自苦竹領步下大星壩作歌示周生

九疑西北千萬峰峰峰點作青芙蓉盤陀鳥道滑如砥
平步直到蒼霄中莫徭種山師伯益劃石耕煙作溝洫
被黏青青似稻栽萬頃連天桂零碧我來五月正南薰
獨攜老友去人羣君自擔簦我卽轎世人疑是雲中君

七盤九折青霞棧曲曲修蛇飲深澗老翁矍鑠生壯心
忽思快馬下峻阪昔從岱華俯中原滄海簸蕩黃河渾
野人不識戰爭事但怪囚堯招舜魂我今老去肉生髀
五十年來北壑裏昏嫁未畢歸不休安能徑作五嶽遊
看雲對松且適意莫陵太清觀九州

九疑雜詩

前巖仙霞洞有寇平仲墨書題名

解韞揆幽洞霑泥怯暗湍乖龍眠自古仙鼠入應難石
氣晴天雨窗風五月寒陰厓付神鬼題字待誰看

舜陵廟舊在玉管巖土徭云在紫金山卽冷水右

冷水經虞廟徐碑復蔡銘至今尋玉琯猶得訪仙局金
竹時時掃徭歌處處聽聖人安遠俗何用託遷形

甫竈開南嶽明堂奉瓦棺仲篋鄰弟國湘瑟罷妃彈義
嗣無傳子勤民在審官後來耕稼者悵望紫金巒

無爲洞李巨山題碧虛洞今爲永福寺在冷左

窈窕無爲寺前朝隱士居風塵曾不到水石自蕭疏更
欲招緇素相將訪碧虛暫來勝久住非是慕樵漁

自紫金渡冷至藍甯均有方廣靈隱之秀而無其俗
冷水源千曲疑山徑九回兩邊山翠合一線綠天開靈
隱多僧氣龍潭鬧瀑雷自然幽勝地唯待訪仙來

三分石爲九疑東峰無宿食地望厓而還

天外三分石雲中不可行香茅久無貢芝艸爲誰生澗
斗虹難起山淡月早明東扉今夜掩翦燭語升平

下營陽峽今云鎌刀彎

春冷淡營四水俱會

截壁橫波秀鳴湍下瀨便無風舟自涌礙石榜難前四
水初迴洑千山暗接連向來遷客少空使峽瀧傳
香零山絕似濫豫石中有七里香卽眞蘭艸

營口秀孤石行舟望宛然分明似江島祇是少詩篇濫
預風波裏瀛洲想像邊香蘭生得地不與世人傳

湘綺樓詩卷第十四

弟子衡陽程達康棊校

湘綺先生十一經皆有注廿二史皆有贊周秦諸子亦各有校釋取精用宏故能經學精深直契心源獨開生面高出先儒之上史學直當雁行班馬詞章閎博奄有漢魏晉唐大家之長豈惟吾鄉耆宿實當代之山斗也先生躬萬夫之稟讀書輒過目不忘神識過人非偶然矣乃余親炙門牆因具悉其學力堅苦尤爲殊絕又豈專恃天事以勝人者卓爾有立欲從末由竊於先生之書歎觀止焉經子諸注詩文各集及湘軍志久矣風行海內外區區尺牘豈足以見先生然先生之文如白雲在天舒卷自如頃刻萬變又如黃河九曲一曲千里波

瀾愈大豎一義石破天驚摛一詞海涵地負卽尺牘中
未嘗不可見其淵博闊富其文不拘一格無美不備太
之有關於經世之閱謨小之有益於詞人之藻采精之
足以爲儒林之津逮粗之亦足以爲世俗之鍼砭涉筆
成趣自見化工先生眞雄於文者也末學何能仰贊右
詞輒出所藏以付梓人公諸同好云爾計箋啟八卷又
文集八卷詩集十四卷合爲全集三十卷

光緒丁未冬月第子杏園敬跋